

四庫全書

子部

欽定四庫全書

歲時雜詠卷十五

宋 蒲積中 編

清明

清明前一日韓子華以靖節斜川詩見招游李  
園既歸遂苦風雨三日不能出窮坐一室家人  
輩倒殘壺得濁酒數杯泥濁道路無人行去市  
又遠索於篋篋得枯魚乾鰕數種強飲疾醉昏  
然便寐既覺索然因書所見奉呈聖俞二十五

兄

歐陽修

少年喜追隨老大厭諠譁慚愧二三子邀我行看花花  
間豈不好時節亦云嘉因病既不飲衆歡獨成嗟管絃  
暫過耳風雨愁還家三日不出門堆灰類寒鷄妻兒強  
我飲飮餽果與瓜濁酒傾殘壺枯魚雜乾鰕小婢立我  
前赤脚兩髻丫軋軋弄雙絃正如擣嘔啞坐令江湖心  
浩蕩思無涯寵祿不知報鬢毛今已華有田清潁間尚  
可事桑麻安得一黃犢幅巾駕柴車

清明賜新火

魚鑰侵晨放九門  
天街一騎走紅塵  
桐花應候催嘉節  
榆火推恩奉侍臣  
多病正愁餠粥冷  
清香俱見蠋煙新  
自憐慣識金蓮燭  
翰苑曾經七見春

清明輦下懷金陵

王安石

春陰天氣草如煙  
時有飛花舞道邊  
院落日長人寂寂  
池塘風慢鳥翩翩  
故園回首三千里  
新火傷心六七年  
青蓋皂衫無復禁  
可能乘興酒家眠

和君貺清明與上巳同日泛舟

繁華兩佳節邂逅同時雅俗共為樂風光如有期  
曉煙新里巷春服滿津涯已散漢宮燭仍浮洛水  
卮占花分設席愛柳就張帷華轂爭門出輕簾夾  
路垂一川雲錦爛四座玉山歌疊鼓傳遙吹輕撓  
破直漪清談何袞袞和氣益熙熙想見周南俗當  
年逸少詩

次韻酬文忠公

梅堯臣

春候倏已和林上鳴鳥譁前日是清明驟雨霑梨花初

聞結客游愛此物景嘉歌舞未宴夕日暮各興嗟所嗟  
歸路暗嘶馬自知家公家八九妹鬢髮如盤鴟朱唇白  
玉膚參年始破瓜幾日苦霖淫當道跳魚鰕閉門飲濁  
醪鞦韆繫樹了羣姝莫要劇為公歌啞啞公當是日醉  
歡適不可涯孔氏有高弟內自戰紛華我公豈其然東  
直昇蓬麻果効歸田去願從招隱車

依韻和三月十四日清明在席呈

太守風流甚吟牋寫蜀麻尋春何處客暎柳阿誰家蠟

炬傳新火朱欄發舊花月光將欲滿特地照鉛華

清明日卧病有感 二首

張耒

支離卧病逢佳節漂泊西游寄洛城重帽畏風惟益睡  
青筇扶步不禁行紅飄疎夢知風惡綠滿新枝聽鳥聲  
不見賈生遺宅處容留金谷舊園名悲歌身世驚將老  
悵望古今空復情笑看人家競時節爭持新火照清明

又

飄萍著處即為家伏枕悠悠對物華處處鞦韆競男女

年年寒食亂風花藥囊侵坐勞頻檢酒甕生塵亦可嗟  
未若會尋吳市卒也須學種邵平瓜雲煙南望羣山會  
水樹東浮去路斜行止此身應有命不須辛苦問生涯

清明日卧病

鶯花零落

一作亂

清明日中葛蕭條老病翁烏鼎相親

勤煮藥素屏深坐怯當風愛花未免呼兒摘畏雨還成  
對客慵自歎年來怨清鏡衰顏換盡少年容

近清明 二首



斜日去不駐好風來有情江城過風雨花木近清明水  
樹閒照影山禽時引聲吾年行老矣淹泊蹇何成

冉冉春光老昏昏日復斜鮮懽常止酒不睡更烹茶旂  
起煙中剝鷄鳴樹外家陳王鬪鷄道風柳不勝斜

清明日船中書事 二首

清明不到旅人家乞火隣船自試茶弄柳好風低作舞  
夾船春浪細浮花

巢烏噪處綠揚村寒食人家晝掩門隴麥晚風收宿潤

煙林午日漲春昏

清明值雨

宋 祁

有渰興芳序餘寒惜慘悽  
遠山沉向盡雜樹望先迷  
天濶都成暝雲昏本自低  
漂灰禁餘火浮棗被殘溪  
檻篠風爭亞汀鳧夜不棲  
蓬聲攢釣渚蓑滴擁煙畦  
積潤浸重襴長巖壓曉輦  
游人盤馬路獨漉逐春泥

答友人清明雨思

楚雲朝暮蔽前峰  
佳節尋芳已半空  
三日薰爐沉蕙綠

一星春火迸榆紅  
文鱗對擲回塘水  
賀燕交飛翠幕風  
悵憶沈齊題句罷  
碎英無響墜華桐

山中清明

一雨東郊卷夕雲  
山中坐對寂寥春  
高低桃綬紅相倚  
輕重榆錢綠不勻  
杯冷羅門拋午案  
簾殘原闕晦流塵  
漢鰯漸美關魚禁  
已約溪公下釣緜

清明

曉日東南欲照梁  
藏鷗密柳暗橫塘  
行庖束蜜停晨爨

別館薰衣冷夜香陌上鮮風橫去憶陽濱翠歛泛行觴  
獨嗟楚客流芳晚淹卧惜惜殢眼長

清明日集西園

日日西園春思催携觴結客上高臺正緣從事青州至  
更許書生洛下來

時州醞既美又命座客賦詩

早葉已成花半落新

巢未定燕千

應作初

回芳辰物物皆堪愛併作高陽倒載

媒

和三司尚書清明

陰岑晚樹飄花外冷落晨杯擣杏餘喉舌官崇無晤賞  
一軒筠粉伴刊書

途次清明

漠漠輕花著早桐客甌餠粥對禺中遙知闕下頒新火  
百炬青煙出漢宮

奉和聖制清明二首

璇杓臨乙位羲御屆婁初碧浪桃花湧珍叢錦段舒輪  
蹄晴縹緲鐘漏夕虛徐穆穆宣溫殿披文日有餘

嶰律調元品彙春陽青  
石个啓初辰庖煙息禁  
農畊盛蠶器增修歲務  
新遲日東門催柳色微  
寒南陌歛車塵  
栢梁侍從瞻天什拜手  
賡歌軋思頻

清明日獨酌

王禹偁

一郡官閒惟副使一年冷  
節是清明春來春去何時  
盡閒恨閒愁觸處生紫  
燕黃鸝誇舌健柳花榆  
莢鬬身輕脫衣換得商  
山酒笑把離騷得自傾

清明感事

三首

無花無酒過清明興味蕭然似野僧  
昨日隣家乞新火  
曉窓分與讀書燈

日轉鞦韆影漸斜  
忍聞絲管在隣家  
兒童不慣貧滋味  
剛拾榆錢索買花

榆錢零落麥開芒  
魂斷南軒蝶影雙  
多謝東風相管顧  
解將花片入書窓

清明日赴玉津園宴集  
五首  
王安國

清明春律十分回  
草色連雲花盡開  
禁籞幸隨諸彥入

安車仍賜上師陪百壺未許都門餞九奏先從帝所來  
魚鑰思留方賜勸柳邊遲日莫相催

又

蔡襄

春風盎盎水濺濺南苑清明雨後天門外遊人聽玉琬  
席間使者勸金船定須歸路燒紅燭還有新詩上采牋  
舊老戀恩方燕喜看花應不憶伊川

又

章惇

南園高照寵師臣盛事仍隨節物新勸餞滿傾仙室酒



崑崙山下有仙室出酒賜花分得漢宮春三朝注眷優元弼五福

天教萃一身自昔雲龍如此少因公感激涕霑巾

又

韓維

白髮三公覲禮成上林花木照清明金錢賜會當佳節  
玉笋流恩異聖情永日春風延衍樂千齡熙事屬昇平  
叨陪盛集均餘瀝敢惜歸鞍醉弁傾

又

安德裕

帝眷三朝輔弼臣詔頒禁藥燕慈均已驚貴老恩榮厚

重歎優賢禮意新使至屢聞天上語

上屢傳宣令  
勸語相酒

酒酣想

見洞中春太平無事忘情久更接人間事了人

清明

孫永

每年每遇清明節把酒尋花特地忙今日江頭哀病起  
神前新火一爐香

清明日書諤公房

魏野

城裏爭看城外花獨來城裏訪僧家殷勤旋乞新鑽火  
為我親烹岳麓茶

清明連上已

上已歡初罷清明賞又追  
閨年侵舊歷令節併芳時  
細雨驚飛重春風酒到遲  
尋花迷白雪看柳折青絲  
淑氣如相待天和意為誰  
吁嗟名未立空詠宴游詩

清明闕下寄弟汶

清明帝城景若何  
柔花媚草矜陽和  
風塵九陌車逐馬  
人事萬態哭與歌  
白雲故山香何在  
朱門俗客慵相過  
空思吟嘯遂高興  
會須漚絮歸煙蘿

清明示弟姪

唐庚

歲華忽忽又清明憶與諸生試集英金鎖掣雷開右掖  
紆欄披雪照升平立班雉尾身疑夢茂對龍顏目乍驚  
百拜起居分左右十年胷臆展縱橫愧無長策裨千慮  
敢昧初心苟一名三道豈能窺董傅乙科今復媿匡衡  
始吾進取恬無意看汝光華便是榮他日當求田二頃  
玻璃自足過浮生

清明日許聖傳名飲不赴

二首

余安行

流年衰老不堪誇  
懶向風前共戴花  
賴有故人知我意  
許教閑處岸烏紗

清明天氣實堪佳  
薄薄春陰蔽日華  
多少異花呈國色  
未應臨賞醉流霞

清明 三首

沈遘

春色三停暮雨停  
五陽充滿發精英  
年光迅速追難及  
風景清明盡不成  
錦被堆中蝴蝶夢  
黃樓子畔鶉鷀聲  
眼前蟲蟻皆如意  
我輩何愁不稱情

上隴歸來日未西滿頭姚魏間  
茶蘼盃盤曲水招蘭葉  
鬢釜清泉蔭柳枝舉世儻須新火用  
寒灰還有再燃時  
窮愁海戶填將滿不負韶光賴有詩

池館連金谷盃盤奠栢城賞心須窈窕  
佳景只清明院落含花氣風光快珮聲  
誰家疎小徑攜手即同行

清明後書事

四首

鶯啼夜合花香散燕語江南柳色鮮  
蠶市共娛叢帝魄火官初換介推煙  
半愁半喜閨闈景輕暖輕寒子弟天

可憎男兒經社力為他紅粉送鞦韆

禱蠶崇廟香煙集歐癘儼師佩服鮮池苻牽衣獨曳帶  
海榴火樹欲生煙江花野草離騷景水榭風亭袂袂天  
春女為憐紅欲落輕盈不忍動鞦韆

巴賓舊國江都樂徵角新腔墨色鮮趣水酒家春糯碓  
順溪園戶焙茶煙柳陰花影盤桓地羣帶鞋頭掣拽天  
遊罷不知蠶事迫寤言猶自悅鞦韆

跳山穀雨大如拳靜洗林巒盡色鮮芸戶社開分漏鼓

畚田燒起順風煙懷沙暮暮朝朝賦步履三三兩兩天  
遊妓不知簪珥貴爭高徒伴賭鞦韆

清明日感春

花前曾作探花行爛熳於今祇自驚春色將衰猶炫目  
人頭向白更多情鳴禽難喚東君住飛鞞須追野馬傾  
但趣生前開口笑豈圖身後有虛名

清明晚步書懷

暖風寒力退遲日午陰長草色迂清步花香糯醉腸春



非私大信人自惜流光俗骨無仙壽遨遊待鬢黃

清明日湖上呈秦少章

釋道潛

水邊花霧曉氤氲春入西湖兩岸深  
冶葉倡條他自媚  
朽株枯木我何心  
鞦韆索轉朱樓角  
博塞聲喧碧柳陰  
年少故人分慷慨

一作  
聚

未應從俗強浮沉

東欄梨花

蘇軾

梨花淡白柳深青  
柳絮飛時花滿城  
惆悵東欄一枝雪  
人生看得幾清明

清明後二日同諸公飲趙道士東軒以日暮天

無雲春風扇微和為韻

得和字

司馬光

寂寥清明後餘春已無多閒軒賦佳致不惜載酒過水  
木晚尤秀風煙晴更和臨樽不盡醉奈此芳菲何

清明日道中馬上口占

江上晴沙沒馬蹄梨花樹樹匝江湄田家誰道無寒食  
門外鞦韆簇小兒

欽定四庫全書

歲時雜詠  
卷十五

十三



歲時雜詠卷十五

欽定四庫全書

集部

歲時雜詠卷十六至十八

詳校官庶吉士臣柳邁祖

助教臣常循覆勘

總校官中書臣朱鈐

校對官典簿臣郭祚熾

謄錄監生臣金國禮

欽定四庫全書

歲時雜詠卷十六

宋 蒲積中 編

上巳

上巳篇

張 華

仁風導和氣，勾芒御吳春。  
姑洗應時月，元巳啟良辰。  
良辰陰朝日，零雨灑微塵。  
飛軒遊九野，置酒會衆賓。  
臨川懸廣幕，夾水布長茵。  
徘徊存往古，慷慨慕先真。  
朋從自遠至，童冠八九人。  
追好舞雩庭，擬跡洙泗濱。  
伶人理新

樂膳夫進時珍八音礪磬奏有俎從橫陳妙舞起齊趙  
悲歌出三秦春體踰九醴冬清過十旬盛時不努力歲  
暮將何因勉哉衆君子茂德景日新高飛撫鳳翼輕舉  
攀龍鱗

太康六年三月三日後園會 三首

暮春元日陽氣清明祁祁甘雨膏澤流盈習習祥風啟  
滯道生禽鳥翔逸卉木滋榮纖條被綠翠華含英於皇  
我后欽若昊乾順時省物言觀中園讌及羣辟乃命乃

延合樂華池被濯清川汎彼龍舟泝游洪源

朱幕雲覆引坐文茵羽觴波騰品物備珍管絃繁會變  
用奏新穆穆我皇臨下渥仁訓以慈惠詢納廣神好樂  
無荒化達無垠

咨子微臣荷寵明時忝思于外悠悠三朞天馬惟慕天  
寶為之靈啟其願邀願在茲予以表情爰著斯詩

三日洛水作

潘尼

暮春春服成百草敷英蕤聊為三日遊方駕結龍旗廟

廊多豪俊都邑有艷姿朱軒蔭蘭皋翠幕映洛湄沉鈎  
出比目舉戈落雙飛羽觴乘波進素卯隨流歸

三月三日應詔

閭丘冲

暮春之月春服既成升陽潤土冰渙川盈餘萌溘人嘉  
木敷榮后皇宣遊既讌且寧光光華輦僉僉從臣上蔭  
丹幄下藉文茵臨池挹與濯故潔新俯鏡清流仰睇天  
津藹藹華林岩岩果陽葉葉峻宇奕奕飛梁垂蔭倒景  
若翺若翔浩浩白水沉沉龍舟皇在靈沼百辟周遊激



櫂清歌鼓枻行謳聞樂感和具醉斯柔在昔帝虞德被  
遐荒干戚在庭苗人來王今我哲后古聖齊芳惠既今  
國以綏四方元首既明股肱惟良樂只君子今日惟康

已會

阮修

三春之秀歲惟嘉時零雨既濛風以散之英華扇耀翔  
鳥羣嬉澄澄綠水澹澹其波修崖逶迤長川相過聊且  
逍遙其樂如何

三日

鮑昭

氣喧動思心柳青起春懷時艷憐花藥眼淨悅登臺提  
觴野中飲心愛因未開露色霑春草泉源潔冰苔危危  
濡露條嫋嫋乘風栽鳬鷁掇苦薺黃鳥銜櫻梅解衿欣  
景預臨流競覆盃美人竟何在浮心空自摧

三日游南苑

採蘋及華月追節逐芳雲騰蒨溢林䟽麗日華山文清  
潭園翠會化薄緣綺紋合樽遽景斜折榮委徂芬

應詔曲水作

顏延年

道隱未形治彰既亂帝迹懸衡皇流共貫惟主創物永  
錫洪筭仁固開周義高登漢祚融世哲紫光列聖太上  
正位天臨海鏡制以化裁樹之形性惠浸萌生信及翔  
泳崇虛非徵積實莫尚豈伊人和寔靈所貺日完其朔  
月不掩望航琛越水輦賁踰嶂帝體麗明儀辰作貳君  
彼東朝金昭玉粹德有潤身禮不愆器柔中淵映芳猷  
蘭祕昔在文昭今惟武穆於赫王宰方旦居叔有晬獻  
蕃爰履奠牧寧極和鈞屏京維服肅魄雙交月氣參變

開榮灑澤舒虹爍電化際無間皇情爰眷伊思鎬飲每  
惟洛宴郊餞有壇君舉有禮幕帳蘭甸畫流高陞分庭  
荐樂析波浮醴豫同夏諺事兼出濟仰窺豐施降惟微  
物三妨儲隸五塵朝黻途泰命迭恩充報屈有悔可悛  
滯瑕難拂

車駕幸京口三月三日侍游曲阿後湖作

虞風載帝狩夏諺頌王遊春方動宸駕望幸傾五州山  
祇蹕嶠路水若警滄流神御出瑤軫天儀降藻舟萬軸

運行衛千翼泛飛浮彤雲麗璇蓋祥飈被綵旂江南進  
荆艷河激獻趙謳金練照海浦笳鼓震溟洲藐盼覲蒼  
崖衍漾觀綠疇人靈騫都野鱗翰聳淵立德禮既普洽  
川岳徧懷柔

三月三日侍宴西池

謝靈運

矧乃暮春時物芳衍濫觴逶迤周流蘭殿禮備朝容樂  
闋夕宴

上巳

謝惠連

四時著半分三春稟融燦遲遲和景婉天天園桃灼携  
朋適郊野昧爽辭鄜郭斐雲興翠嶺芳飈起華薄解轡  
偃崇丘藉草繞迴壑際渚羅時藪託波泛輕爵

為皇太子侍宴華光殿曲 謝朓

初吉云已芳宴在斯載留神矚有睟天儀龍精已暎威  
仰未移葉依黃鳥花落春池高宴弘敞禁林稠密青澄  
崛起朱樓間出翠葆隨風金戈動日惆悵清管徘徊輕  
佾灞漣入筵河淇流沓海若來往觴肴汭泝歡飲終日

清光欲暮輕貂迴首華組徐步

三日侍宴林殿曲水

簡文帝

芳年留帝賞應物動天襟挾苑連金陣分衢度羽林帷  
宮對廣掖層殿邇高岑風旗爭曳影亭罕生共陰樹花  
初墮蒂池荷欲吐心

三月三日率爾成詩

芳年多美色麗景復妖嬈握蘭唯是旦采艾亦今朝迴  
沙溜水曲碧袖散桃夭綺花非一種風絮亂百條雲起

相思觀日照飛虹橋繁華炫姝色燕趙艷妍妖金鞍汗  
血馬寶鬚珊瑚翹蘭馨起縠袖連綿束瓊腰相看隱綠  
樹見人還自嬌玉牀鳴羅薦礫枕泛迴潮洛濱非拾羽  
滿握詎貽椒

三日侍皇太子曲水宴

震德叶靈年芳節淑濯伊臨霸蕩心偷目驤騎晨野縱  
金振陸蕙氣捲旌神飈擎轂層岑偃蹇聳觀宮堯烟生  
翠竹日照綺寮銀華晨散金芝莫搖綠衣動葉丹距暎



條顧惟菲薄徒承恩裕藝學未優聲績不樹豈辨河書

寧摘淮賦徒偶羣龍終慙並驅

去聲

三日林光殿曲水宴

沈約

宴鎬鏘玉鑾游汾舉仙輶榮光泛采旄修風動芝蓋淑  
氣婉登晨天行聳雲旆帳殿臨籞帷春宮繞芳甸漸席  
周羽觴分墀引迴瀨穆穆玄化升濟濟皇階泰將御遺  
風軫遠侍瑶臺會

三日率爾成篇

麗日屬元巳年芳具在斯開花已匝樹流鶯復滿枝洛陽繁華子長安輕薄兒東出千金堰西臨雁鶩陂遊絲暎空轉高柳拂地垂綠萍文照耀紫燕光陸離清晨戲伊水薄暮宿蘭池象筵鳴寶瑟金瓶泛玉卮寧憶春蠶起日暮桑欲萎長袂屢以拂雕胡方自炊愛而不可見宿昔減容儀早當忘情去歎息獨何為

三日侍鳳光殿曲水宴

光遲蕙畝氣婉椒臺皇心愛矣帝曰悠哉玉鑾銜警翠

鳳輟迴別殿廣臨離宮洞啟川祇奉壽河宗相禮清洛  
漸延長伊流陞泗盪嘉羞搖漾芳醴輕歌易繞弱舞難  
持素雲留管玄鶴停絲引思為歲歲亦陽止叨服賁身  
身亦昌止徒勤丹漆終愧文梓

三日侍安成王曲水宴

劉孝綽

匯澤良孔殷分區屏中縣跨躡兼流采襟喉邇封甸五  
三奄鄴畢析珪成羽傳不資魯俗移何得齊風變東山  
富游士北土無遺彥一言白璧輕片善黃金賤餘辰屬

元已消愁追前諺侍此頻豫遊須展城隅宴芳州亘千里遠近光風扇方歡厚德重誰言薄遊倦

三日侍華光殿曲水宴

薰披三陽暮濯祓元已初皇心睠樂飲帳殿臨春渠豫遊高夏諺豈樂盛周居復以焚林日手葺花樹舒羽觴環階轉清瀾傍席䟽妍歌已寥亮妙舞復行餘九成變絲竹百戲動龍魚

三日侍蘭亭曲水宴

庾肩吾

策星依夜動鑾駕  
倏朝遊旌門臨苑  
樹相風出鳳樓春  
生露泥泥天覆雲  
油油桃花生玉洞  
柳葉暗金溝  
襖川分曲洛  
帳殿掩芳洲  
踴躍鱖魚醉  
參差絳棗浮  
百戲俱臨水  
千鍾共逐流

三日侍宴詠曲水中燭影

重燄垂花比芳樹  
風吹水動俱難任  
春枝拂岼影上來  
還杯繞客光中庭

三日華林園公宴

邢子才

廻鑾自樂野弭蓋屬瑤池五水接光景七度樹風儀芳  
春時欲遽覽物惜將移新萍已冒沼餘花尚滿枝草滋  
徑蕪沒林長山蔽虧芳筵羅玉俎激水漾金卮歌聲斷  
且續舞袖合還離

上巳宴麗暉殿各賦一字十韻

陳後主

芳景滿闔窻暄光生遠阜以更登臨趣還勝

平聲

袞袞

酒葉照源上桃風搖城外柳斷雲仍合霧輕霞時照牖

小樹帶山高，嬌鶯含響偶。一峯遙落日，數花飛暎綬。  
度鳥或遛檐，飄絲屢薄藪。言志遽為樂，置觴方薦壽。  
文學且迺筵，羅綺令陳後。干戈幸勿用，寧須勞馬首。

上巳玄圃宣獻堂禊飲同共八韻

綺殿三春晚，玉燭四時平。藤交近浦暗，花照遠林明。  
百戲堦庭滿，八音絃調清。鶯喧雜管韻，鐘響帶風生。  
山高雲氣積，水急溜杯輕。簪纓合盛會，俊乂本多名。  
羣才盡壯思，文采發雕英。樂是西園日，勸茲南館情。

春已楔辰盡當曲宴各賦十韻

餘春尚芳菲中園飛桃李是時乃季月茲日叶上巳既有遊伊洛可以被漆洧得足性為娛堂高聊復擬高堂亦有趣圖續此芳軌栖遁稱式驂善政日馴雉蘭桂觀往轍簪裾躡前趾啼禽靜或喧花落低還起水霧遙混雜山雲遠相似坐客聽一言隨吾祛俗鄙

被楔汎舟春月玄圃各賦七韻

園林多趣賞被楔樂還尋春池已渺漫高枝自挺森日



裏絲光動水中花色沉安流淺易榜峭壁迥難臨野鶯  
添管響深岫接鐃音山遠風烟麗苔輕激浪侵置酒來  
英雅嘉賢良所欽

上巳玄圃宣猷嘉辰禊酌各賦六韻以次成篇

座有張式陵瓊顧野王  
陸瑒岑之敬等五人上

園開簪帶合亭迥春芳過鶯度遊絲斷風駛落花多峯  
幽來鳥嘯洲橫擁浪波歌聲時出牖舞影乍侵柯面玉  
同釵玉衣羅異草蘿既悅弦筒暢復次文酒和

三日侍宴宣猷堂曲水

江總

上巳娛春禊芳辰喜月離北宮命簫鼓南館列旌旗繡  
柱擎飛閣雕軒傍曲池醉魚沈遠岫浮藻漾清漪落花  
懸度影飛絲不礙枝樹動紅樓出山斜翠磴危禮周羽  
爵徧樂闋光陰移

上巳禊飲

戶思道

山泉好風日城市厭囂塵聊將一樽酒共尋千里春晨  
光下幽桂夕吹舞青蘋何時出開後重有入林人

三月三日宴王明府山亭序附六首

調露二年暮春三日同集于王令公之林亭申交  
契也夫尚平遠跡尋五藥于西山仲連高蹈讓千  
金于東海遺形却立終希獨善之資排患解紛未  
洽隨時之義豈若天地交泰朝野歡娛元已追辰  
季陽司月列芳林而薦賞控清洛以開筵追李郭  
之佳遊嗣裴王之故事遠近送春日表裏壯皇居  
層幹霞騫燭城陰于翠鷗浮梁霧絕寫川態于文

虹樹密如鱗花繁似霰魚縱相忘之樂鶯遷求友之  
聲景物載華心神已至于是愜佳宴滌煩襟沿杯曲  
水折中幽徑流波度曲自諧中散之絃舞蝶成行無  
忝季倫之伎而歲不我與人生若浮揮魯陽之戈奔  
曦可駐聘山公之騎餘興方首度志陳詩式紀良會  
仍探一字六韻成章孫慎行序

詩

得魚  
字

崔知賢

京洛皇居芳禊春餘影媚元已風和上除雲開翠帶水

鶩鮮車林渚縈映烟霞卷舒花飄粉蝶藻躍文魚泂波  
式宴其樂只且

又

得郊字

席元明

日惟上巳時亨有巢中罇引桂芳筵藉茅書僮囊筆膳  
夫行魚烟霏萬雉花明四郊沼蘋白帶山花紫苞同人  
聚飲千載神交

又

得人字

陳子昂

暮春嘉月上巳芳辰羣公禊飲於洛之濱奕奕車騎粲

粲都人連帷競野袷服縹津青郊樹密翠渚萍新令我  
不樂含意待申

又得沙  
字

韓仲宣

河濱上巳洛汭春華碧池涵日翠竿澄霞溝垂細柳岍  
擁平沙歌鶯響樹舞蝶驚花雲浮寶馬水韻香車熟紀  
行樂淹留景斜

又得哉  
字

高瑾

暮春元巳春服初裁童冠八九于洛之隈河隄草變鞏

樹花開逸人談發仙御舟來問關黃鳥澆灑丹腮樂飲  
命席優哉悠哉

又得烟  
字

高球

洛城春禊元巳芳年季倫園裏逸少亭前曲中舉白談  
際生玄陸離軒蓋淒清管絃萍疎波蕩柳弱風牽未淹  
歡趣林溪夕烟

三日流潭篇

萬齊融

春潭滉漾接隋宮宮闕連延潭水東蘋苔嫩色涵波淥

桃李新花照底紅，垂菱布藻如妝鏡。  
麗日晴天相皎映，素影顯顯對蝶飛。  
金沙礫礫窺魚泳，佳人祓禊賞韶年。  
傾國傾城併可憐，拾翠撿來芳樹下。  
踏青爭遠涿潭邊，公子王孫恣遊翫。  
沙塲水曲情無厭，禽浮似揖羽觴杯。  
鱗躍疑投水心劍，金鞭玉勒騁輕肥。  
落絮紅塵擁路飛，淶水殘霞催席散。  
畫樓初月待人歸。

于長史池三日曲水

陳子昂

摘蘭藉芳月，祓宴坐迴汀。  
泛艷清流滿，葳蕤白芷生。  
金



絃揮趙瑟玉指弄秦箏巖嶂風光媚郊園春樹平烟花  
飛御道羅綺照昆明日落紅塵暮車馬亂縱橫

上巳日浮江宴

得遙字

王勃

上巳年光促中川興緒遙綠齊山葉滿紅洩片花銷泉  
聲喧後澗虹影照前橋遽悲春望遠江路積波潮

三日曲水侍宴應制

閻朝隱

三月重三日千春續萬春聖澤如東海天文似北辰荷  
葉珠盤淨蓮花寶蓋新陛下制萬國臣作水心人

奉和三日被袂渭濱六首

韋嗣立

乘風被袂逐風光  
扈蹕陪鑾渭渚傍  
還笑當時水濱老  
衰年八十待文王

又

徐彥伯

晴風麗日滿芳洲  
御色春筵被錦流  
皆言侍蹕璜溪讌  
暫似乘槎天漢游

又

劉憲

桃花欲落柳條長  
沙頭水上足風光  
此時御蹕來遊處

願奉年年被楔觴

又

沈佺期

寶馬香車清渭濱  
紅桃碧柳楔堂春  
皇情尚憶垂竿佐  
天祚先呈捧劍人

又

李乂

上林花鳥暮春時  
上已陪遊樂在茲  
此日欣逢臨渭賞  
昔年空道濟汾詞

又

張說

青郊上巳艷陽年  
紫禁皇遊被渭川  
幸得歡娛承湛露  
同心草樹樂春天

三日梨園亭侍宴

沈佺期

九門馳道出三巳  
禊堂開畫鷁中川  
動青龍上苑來野  
花飄御座河柳拂  
天杯日晚迎祥處  
笙鏞下帝臺

三日獨坐驩川思憶舊遊

兩京多節物三日  
最遨遊麗日風徐  
卷香塵雨暫收紅  
桃初下地綠柳半  
垂溝童子成春服  
宮人罷射鞬禊堂

通漢宛解席繞秦樓東暫言談妙張華史漢道無亭不  
駐馬何浦不橫舟舞籥千門度帷屏百道流金丸向鳥  
落芳餌接魚投濯錦鱗清淺迎祥樂獻酬靈葛陳欲棄  
神藥曝應休誰念招魂節翻為禦魅囚朋從天外至心  
賞日南求銅柱威丹徼朱崖鎮火阨炎蒸連曉夕瘴癘  
滿冬秋西水何時貨南方詎可留無人對鑪酒寧緩去  
鄉憂

三月三日侍宴

素澹接宸居青門盛袂除摘蘭誼鳳野浮藻溢龍渠苑  
蝶飛殊懶宮鶯嚙不踈星移天上入歌舞向儲胥

桂州三月三日

宋之問

代業京華裏遠投魑魅鄉登高望不見雲海四茫茫伊  
昔承休眄曾為人所羨兩朝賜顏色二紀陪遊宴昆明  
御宿侍龍媒伊闕天泉復幾迴西夏黃河水心劍東周  
清洛羽觴杯苑中落花掃還合河畔垂楊撥不開千春  
獻壽多行樂柏梁和歌攀睿作賜金分帛駐光輝風舉

雲搖入紫微晨趨北闕鳴珂至夜出南宮把燭歸戴筆  
儒林多歲月襍被文昌佐吳越越中山海高且深興來  
無處不登臨永和九年刺海郡暮春三月醉山陰愚謂  
嬉遊長似昔不言流寓歎成今始安繁華舊風俗帳飲  
傾城沸江曲主人絲管清且悲客子肝腸斷還續荔浦  
蘅皋萬里餘洛陽音信絕能踈故園今日應愁思曲水  
何能更祓除作伴唯憐合浦葉思歸豈食桂江魚不求  
漢使金囊贈願得佳人錦字書

三月三日登龍山

張九齡

伊川與灞津今日祓除人豈似龍山上還同湘水濱衰  
顏憂更老淑景望非春  
襖飲豈吾事聊將偶俗塵

歲時雜詠卷十六



欽定四庫全書

歲時雜詠

宋蒲積中編

上巳

舟中和蕭令

潭字

張說

暮春三月日重三  
春水桃花滿襖  
潭廣樂逶迤天  
上下  
仙舟搖衍鏡中  
酣

奉和聖製三日

陳希烈

上巳迂龍駕中流  
泛羽觴酒因朝  
太子詩為樂  
賢王錦

纜方舟渡瓊筵大樂張風搖垂柳色花發異林香  
野老歌無事朝臣飲歲芳皇情被羣物中外洽恩光

和聖製太子諸王三月龍池春楔

王維

故事修春楔新宮展豫遊明君移鳳輦太子出龍樓  
賦掩陳王作盃如洛水流金人來捧劍畫鷁去迴舟  
苑樹浮宮闕天池照冕旒宸章在雲漢垂象滿皇州

奉和聖製上巳於望春亭觀禊飲應制

長樂青門外宜春小苑東樓開萬戶上輦過百花中盡  
鵷移仙妓金貂列上公清歌邀落日妙舞向春風渭水  
明秦甸黃山入漢宮君王來被袂灞澹亦朝宗

三月三日曲江侍宴應制

萬乘親齋祭千官喜豫遊奉迎從上苑被袂向中流草  
樹連雲衛山河對冕旒畫旗搖浦淑春服滿汀洲仙籞  
龍媒下神臯鳳蹕留從今億萬歲天寶紀春秋

三月三日勤政樓侍宴應制

綵仗連宵合瓊樓拂曙通年光三月裏宮殿百花中不  
數秦王日誰將洛水同酒筵嫌落絮舞袖怯春風天保  
無為德人歡不戰功仍臨九衢宴更達四門聰

上巳潤南期王山人不至 孟浩然

搖艇俟明發花源弄早春在山懷綺季臨穎憶荀陳上  
巳期三月浮杯興十旬坐歌空有待行樂恨無隣日晚  
蘭亭北烟花曲水濱浴池逢婉女採藥值幽人石壁堪  
題序沙場好醉神群公望不至虛擲此芳辰

上巳日洛中寄王十九

卜洛成周地浮杯上巳筵  
鬪鷄寒食下走馬射堂前  
垂柳金堤合平沙翠幕連  
不知王逸少何處會羣賢

上巳日徐司錄園林

杜甫

鬢毛垂領白花蕊亞枝紅  
歌倒衰年廢招尋令節同  
薄衣臨積水吹面受和風  
有喜留攀桂無勞問轉蓬

上巳祓禊應制

崔國輔

元巳秦中節吾君灞上遊  
鳴鑾通禁苑別館遶芳洲  
駕

鷺千官列魚龍百戲浮桃花春欲盡穀雨夜來收慶向  
堯尊祝歡從楚棹謳逸詩何足對睿作掩東周

上巳

巳日帝城春傾都袂袂辰停車須傷水奏樂要驚塵弱  
柳障行騎浮橋擁看人獨言日早晚更向九龍神

三月三日自京到華陰於水亭獨酌寄裴六薛

八

獨孤及

祇役匪遑息經時客三秦還家問節候知到上巳辰山

縣何所有高城閉青春和風不吾欺桃杏滿四鄰舊友  
適遠別誰當接歡欣呼兒命長瓢獨酌湘吳醇一酌一  
朗詠既酣意亦申言筌暫兩忘霞月祇相新裴子塵表  
物薛侯席上珍寄言二傲吏何日同車茵詎肯使空名  
終然羈此身何年解桎梏長作海上人

上巳日兩縣寮友會集時主郵不遂馳赴輒題  
以寄方寸

劉商

踏青行看共佳期春水晴山被楔詞獨坐郵亭心欲醉

櫻花落盡暮愁時

上巳接清明遊宴

獨孤良弼

上巳歡初罷清明賞又追  
閨年侵舊曆令節併芳時  
細雨鶯飛重春風酒醒遲  
尋花迷白雪看柳折青絲  
淑氣如相待天和意為誰  
吁嗟名未立空詠宴遊詩

三月三日義興李明府後亭泛舟

皇甫冉

江南烟景復如何  
聞道新亭更可過  
處處執蘭春浦綠



萋萋藉草遠山多  
壺觴須就陶彭澤  
風俗猶傳晉永和  
更使輕橈徐轉去  
微風落日水增波

上巳日越中與鮑侍御泛舟耶溪

劉長卿

蘭橈方轉傍汀沙  
應接雲峰到若耶  
舊浦滿來移渡口  
垂楊深處有人家  
永和春色千年在  
曲水鄉心萬里賒  
君見漁舟時借問  
前洲幾路入烟霞

上巳日

耿湣

共來修禊事內顧一悲翁玉鬢風塵下花林絲管中故  
山離水石舊侶失鵝鴻不及游魚樂徘徊蓮葉東

奉陪渾侍中上巳日泛渭河 盧綸

素舸錦帆開浮天接上台曉鶯和玉笛春浪動金罍舟  
楫方潮海鯨鯢自曝腮應憐似萍者空逐榜人回

上巳日陪齊相公花樓宴

鍾陵暮春月飛觀延群英晨霞耀中軒滿席羅金瓊持  
盃凝遠睇觸物結幽情樹杪參差綠湖光瀲灩明禮卑

瞻絳帳恩浹華纓徒記山陰日夜禊乃為榮

奉和聖製三日書懷因以示百寮

崔元翰

佳節尚元巳芳時屬暮春流觴想蘭亭捧劍傳金人風  
輕水初綠日晴花更新天文信昭迴皇道頗敷陳恭已  
每從儉清心常保真戒茲遊行樂書以示羣臣

上巳泛舟

得遲字

張登

令節推元巳天涯喜有期初筵臨泛地舊俗祓禳時枉

渚潮新上殘春日正遲竹枝遊女曲桃葉渡江詞風鷁  
今方退沙鷗亦不疑且同山簡醉倒載莫褰帷

上已寄常權樊宗憲兼呈孟中丞

鮑防

世間禊事風流處鏡裏家山若畫屏今日會稽王內史  
好將賓客醉蘭亭

上巳日試院考雜文不遂赴九華觀祓禊之會

以二絕句贈內

二首

權德輿

三日韶光處處新  
九華仙洞七香輪  
老夫留滯何由去

珉玉相和正遶身

時以沽美玉為詩題

襖飲尋春興有餘  
深情婉婉見雙魚  
同心齊體如身到  
臨水煩君便祓除

酬樂天三月三日

元稹

舊年此日花前醉  
今日花時病裏銷  
獨倚破簾閒悵望  
可憐虛度好春朝

三月三日與樂天及河南李尹奉陪令公泛洛

袂飲

劉禹錫

洛下今修禊羣賢勝會稽  
盛筵陪玉鉉通籍盡金閨  
波上神仙妓岼傍桃李蹊  
水嬉如鷺振歌響雜鶯啼  
歷覽風光好汭迴意思迷  
棹歌能儷曲塵客競分題  
翠幄連雲起香車向道齊  
人誇綾步障馬惜錦障泥  
塵暗宮牆外霞明花樹西  
舟形隨鷁轉橋影與虹低  
川色晴猶遠鳥聲莫欲棲  
唯餘踏青伴待月魏王堤

上巳日恩賜曲江宴會即事 白居易

賜歡仍許醉此會興如何翰苑主恩重曲江春意多花  
低羞艷妓鶯散讓清歌共道昇平樂元和勝永和

三月三日庾樓寄庾三十二

春日歡遊辭曲水二年愁卧在長沙每登高處長相憶  
何況茲樓屬庾家

三月三日懷微之

良時光景長虛擲壯歲風情已暗銷忽憶同為校書日  
每年同醉是今朝

三月三日 二首

暮春風景初三日  
流水光陰半百年  
欲作閑遊無好伴  
半江惆悵卻迴船

畫堂三月初三日  
絮撲紗窗燕拂簷  
蓮子數盃嘗冷酒  
柘枝一曲試春衫  
堦臨池面勝看鏡  
戶暎花叢當下簾  
指點南樓翫新月  
玉鈎素手兩纖纖

三月三日宴舟中獻晉公

三月草萋萋  
黃鶯歇又啼  
柳橋晴有絮  
沙路潤無泥  
襖



事修初畢遊人到欲齊金鈿耀桃李絲管駭鳬鷺轉岬  
迴船尾臨流簇馬蹄開於楊子渡踏破魏王堤妓接謝  
公宴詩陪荀令題舟同李膺泛醴為穆生携水引芳心  
蕩花牽醉眼迷塵街從鼓動烟樹任鴉棲舞急紅腰凝  
去聲歌遲翠黛低夜歸何用燭新月鳳樓西

奉和裴令公上巳日遊太原龍泉憶去歲禊樂

依來體  
雜言

去歲暮春上巳共泛洛水中流今歲暮春上巳獨立香

山上頭

時居易經  
遊香山寺

風光閑寂寂旌旆遠悠悠丞相府歸

晉國太行山礙并州鵬背負天龜曳尾雲泥不可得同

遊

上巳日憶江南禊事

李德裕

黃河西繞郡城流上巳應無被禊遊為憶淶江春水色  
更隨宵夢向吳洲

奉和上巳憶江南禊事

劉禹錫

白馬津頭春日遲沙洲歸雁拂旌旗柳營唯有軍中戲

不似江南三月時

曲江上巳日

趙璜

長堤十里轉香車  
南嶺烟花錦不如  
欲問神仙在何處  
紫雲樓閣向空虛

上巳日華下閒步

吳融

十里香塵撲馬飛  
碧峰蓮下踏青時  
雲鬟照水和花重  
羅袖擡風惹絮遲  
可使無心邀斌媚  
還應有淚憶袁熙  
如烟如夢爭尋得  
溪柳迴頭萬萬絲

上巳日

本學多情劉武威尋花傍水看春輝無端遇着傷心事  
贏得淒涼索漠歸

觀競渡

薛逢

三月三日天清明楊花繞江啼曉鶯使君未出郡齋內  
江上已聞齊和聲使君出時皆有引馬前已被紅旗陣兩  
岸羅衣破鼻香銀釵照日如霜刀鼓聲三下紅旗開兩龍  
躍出浮水來擢影幹波飛萬劍鼓聲劈浪鳴千雷雷聲衝

急波相近兩龍望標目如瞬江上人呼霹靂聲竿頭綵挂虹  
霓暈前船搶水已得標後船失勢空揮橈瘡眉血首爭不  
定輸岸一朋心似燒只將標示輸贏賞兩岸十舟五來往  
須臾戲罷各東西竟脫文身請書上吾今細觀競渡兒何  
殊當路權相持不思得所各休去會到摧舟折楫時

上巳日

劉駕

上巳曲江濱喧於市朝路相尋不見者此地皆相遇日  
光去此遠翠幕張如霧何事歡娛中易覺春城暮物情

重此節不是愛芳樹明日花更多何人肯迴顧

上巳日寄韓八

唐彥謙

上巳接寒食鶯花寥落晨微微潑火雨草草踏青人涼似三秋景清無九陌塵伯與同病者對此合傷神

三月三日曲江遊眺贈郁上人

殷堯藩

三月初三日千家與萬家蝶飛秦地草鶯入漢宮花鞍馬皆爭麗笙歌盡鬪奢吾師無所願惟願老烟霞

三月三日又贈郁上人

曲水公卿宴香塵晝滿街無心修禊事獨步到禪齋  
細草縈愁日繁花逆旅懷綺羅人走馬遺落鳳凰釵

三月三日申王園亭宴集 宋之問

稽亭追往事睢苑勝前聞飛閣陵芳樹華池落采雲  
藉草留人酌銜花鳥赴羣向來同賞處惟恨碧林曛

三月三日承恩讌樂遊園 張說

樂遊形勝絕表裏望郊宮北闕連雲嶺南山對掌中  
皇恩賔芳月旬宴美成功魚戲芙蓉水鶯啼楊柳風  
春華

看欲暮天澤戀無窮  
長袖招斜日留光待曲終

三月三日承恩遊宮莊池上作

鳳凰樓下帶天泉  
鸚鵡洲中雜管絃  
舊試平陽佳麗地  
今逢上巳盛明年  
舟將水動千尋日  
幕共林橫兩岫烟  
不降王人觀楔飲  
誰令醉舞拂賓筵

三月三日登龍山

伊川與灞津今日祓除人  
豈似龍山上還同湘水濱  
衰顏憂更老  
淑景望非春  
楔飲豈吾事  
聊將偶俗人



三月三日寄諸弟懷崔都水 韋應物

莫節看已謝茲晨愈可惜風淡意傷春池寒花歛夕

一作

色對酒始依依聽人還的的誰當曲水行相思尋舊跡

歲時雜詠卷十七

欽定四庫全書

歲時雜詠卷十八

宋 蒲積中 編

上巳

上巳日與二三子携酒出遊隨所見輒作數句

明日集之為詩故詞無倫次 蘇軾

薄雲霏霏不成雨杖藜曉入千花塢柯丘海棠我有詩  
獨笑深林誰敢侮三盃卯酒人徑醉一枕春睡日亭午  
竹間老人不讀書留我閉門誰教汝出簷簾枳十圍大

寫真素壁千蛟舞東坡作塘今幾尺攜酒一勞農工苦  
却尋流水出東門壞垣古塹花無主卧門桃李為誰妍  
對立鵲相媚嫵開餅籍草勸行路不惜春衫汚泥土  
褰裳共過春草亭扣門卻入韓家圃轆轤斷井深碧  
鞦韆索挂人何所暎簾空復小桃枝乞漿不見磨門女  
南山古臺臨斷岼雪陣翻空迷仰俯故人餽我玉葉羹  
火冷烟消誰為煮崎嶇東蘊下荒徑姪姪隔花聞好語  
更隨落景盡餘樽卻傍孤城得僧宇主人勸我浣足眠

倒床不復聞鐘鼓明朝門外泥一尺始悟三更雨如許  
平生所向一遂無茲遊何事天不阻固知我友不終窮  
豈弟君子神所予

海南人不作寒食而以上巳上冢予携一瓢酒  
尋諾生皆往吳獨老符秀才在因與飲至醉符  
蓋澹人之安貧守靜者也

老鷄含肉紙飛灰萬里家山安在哉蒼耳林中太白過  
鹿門山下德公回管寧投老終歸去王式當年本不來

記取城南上巳日木綿花發刺桐開

三月三日點燈會客

江上東風浪接天苦寒無賴破春妍試開雲夢羔兒酒  
快瀉錢塘藥玉船蠶市光陰非故國馬行燈火記當年  
冷烟濕雪梅花在留得新春作上元

上巳同王魯直泛舟

沈郎清瘦不勝衣邊老便便帶一圍躑躅身輕山上走  
歡呼船重醉中歸舞腰似雪金釵落談辯如雲玉麈揮

憶昔錢塘正如此回頭二十四年非

上巳日

歐陽修

一雨初收九陌塵  
乘蘭修禊及芳辰  
恩深始寵龍池宴  
節正須知鳳曆新  
紅琥珀傳盃  
歛斂碧琉璃瑩水  
瀟淪  
上林未放花齊發  
留待鳴稍出紫宸

上巳日赴宴口占

賜飲初逢禊節佳  
御溝新漲碧無涯  
九門寒食多遊騎  
三日春陰正養花  
共喜流觴修故事  
自憐霜髮惜年華

鳳城殘照歸鞍晚  
禁禦無風柳自斜

上巳日與太學諸同舍飲王都尉園

司馬光

冠蓋爵相依名園花未稀  
游絲縈復展狂絮墮還飛  
積絮遺風陋蘭亭舊俗微  
何如詠沂水春服舞雩歸

和劉尉赤岍上巳

二首

張無盡

教池天氣不勝情  
攜手聊同陌上行  
洛禊嬉遊修故事  
楚歌歡笑集村氓  
暮潘珍果盈車擲  
桃卓幽琴滿座傾



為報蘭亭王逸少且無今日筦絃聲

秉蘭時節近清明朝野歡娛值太平坦率從來如庾亮  
窮愁素不學虞卿三年陽渚成何事一覺邯鄲悟此生  
把酒花前須醉倒肯教風雨落繁英

上巳臧舟漢口命駕鳳棲成二絕句

上巳嬉遊集漢陽雲收雨霽日舒光瑞烟和氣橫寥廓  
何用蘭亭祓不祥

池上澄輝凍已銷陽和巧思著花梢殘雲斷靄歸何處

翠憶紅帷遍樂郊

上巳間苑中樂聲

王安石

苑中誰得從春遊  
想見漸臺瓦欲流  
御水曲隨花影轉  
宮雲低繞樂聲留  
年華未破清明節  
日暮初回祓禊舟  
更覺至尊思慮遠  
不應全為拙倡優

和郭六玉津上巳宴罷見寄 宋 祁

式燕靈琨睽蕙時  
被蘭浮藻惜春輝  
回驂並躍都門道  
誰識顏王曲水歸

上巳日詔賜花酒休澣日會瓊林苑泛昆明池

飲魏國夫人園二首

秦觀

宜秋門外曉參尋  
豪竹哀絲發妙音  
金爵日邊樓壯麗  
彩虹天際卧清深  
已煩逸少書陳迹  
更屬相如賦上林  
猶恨真人足官府  
不如魚鳥自飛沉

春溜泱泱初滿地  
晨光欲轉萬年枝  
樓臺四望烟雲合  
簾幕千家錦繡垂  
風過忽聞花外笑  
日長時奏水中嬉  
太平誰為全無象  
寓在羣仙把酒時

帝城上巳

孫覲

宿霧消神沼，晴曦照碧峰。  
祓除周故事，環宴楚遺風。  
畫舸低搖鷁，浮梁冷亘虹。  
五陵驅羣少，三殿錫鷁公。  
浪射簪纓潤，花迎劒佩紅。  
舞遲歌袂穩，飛急酒觴空。  
淑氣琬軒外，祥光禁籞中。  
敢賡元首詠，上記帝堯功。

奉和聖製上巳日

晏殊

青陽三巳日，佳氣九城中。  
洛飲傳周俗，溱詩載鄭風。  
停輪浮桂醕，解袂泛蘭叢。  
選勝開慈宴，多歡組綬同。

上巳賜宴瓊林與二府諸公浮水心憩于西軒

二首

三月楊花飛似雪內園佳樹綠成陰何妨寫盡憑高意  
十步虹橋徹水心

咽雲簫鼓傳聲沸臨水樓臺倒影多吟繞曲欄無限思  
緒風遲日滿烟波

上巳瓊林苑宴二府同遊池上即事口占 三首

殿後花枝白間紅樓前當道綠楊風橫飛綵檻波光外

倒寫朱橋水影中

曲榭迴廊手伎喧綵樓朱舫鼓聲繁  
游人已着濃春去  
不待歌長舞袖翻

春留融冶日添長萬品無涯入醉鄉  
誰道人間泛仙境  
水心樓殿半斜陽

上巳日午橋石瀨中得雙鰕魚

梅堯臣

修禊洛之濱湍流得素鱗  
多慚折腰米來作食魚人水

髮粘篙綠溪毛暎渚春風沙暫時遠紫線憶江蓴

上巳日州園東樓

蔡襄

地上多于枝上花東樓凝望惜年華  
潮頭正對伍員廟燕子爭歸百姓家  
粉籜漸高山徑筍綠旗初展石巖茶  
流風自與人兼老尊酒相逢莫重嗟

上巳日

孫永

海內中和日雲間上巳辰笙歌九天半  
花木十洲春

上巳日永崇里言懷

崔塗

未敢分明賞物華十年如見夢中花  
遊人過盡衡門掩  
獨自憑欄到日斜

上巳日會飲南澗亭

陶崇儀

山城春盡橘花開  
祓禊相將上古臺  
一片晚雲含落照  
數分殘酒伴新梅  
談高綺席終無況  
詩落金錢漫有才  
多謝東亭湖與月  
醉中雙送畫船回

上巳至玉津園賜宴

錢易

祓禊標春巳  
歌時慶魯雲  
禁園宣密宴  
玉饌賜天廚  
班




序參三殿衣冠盛兩都雲壘傾上席寶馬開長衢帝澤  
恩何事春風節已徂歸來白虎殿微詠共操觚

賀劉伯壽陪路公禊飲

司馬光

旌幢車騎滿沙頭鼓吹喧繁盡鷁浮十里羅紈光照地  
千家簾幕遠臨流觴隨洛水白公事月映鳳樓裴相遊  
令典久隳今更舉行聞美俗徧中州



歲時雜詠卷十八

欽定四庫全書

集部

歲時雜詠卷

十九至  
二十二

詳校官庶吉士臣柳邁祖

助教臣常循覆勘

總校官中書臣朱 鈐

校對官典簿臣郭祚熾

謄錄監生臣金國禮

欽定四庫全書

歲時雜詠卷十九

宋 蒲積中 編

春盡日

三月晦日郊外送客

雍裕之

野酌亂無巡送君兼送春明年春色至莫作未歸人

春晦日沐髮寄三友

韋功曹李錄事王少府

戴叔倫

朝沐敞南闌盤散待日稀揚梳髮更落攬鏡意多違吾

友見常少春風去不歸登臨取一醉猶可及芳菲

三月晦日會李員外座中頻以老大不醉見譏

因有此贈

令狐楚

三月唯殘一日春玉山傾倒白鷗馴不辭便學山公醉  
花下無人作主人

望驛臺三月盡

元稹

可憐三月三句促悵望江邊望驛臺料得孟光今日語  
不曾春盡不歸來

三月三十日程氏館餞杜十四歸京

江春今日盡程館祖筵開我正南冠  
繫君尋北路迴構身誠太拙從官若無媒處困方明  
命遭時不在才踰年長倚玉連夜共銜杯  
涸溜沾濡末餘光照死灰行看鴻欲翥  
敢憚酒相催拍逐飛觥絕香隨舞袖來  
消梨拋五遍娑葛殢三臺已許樽前倒  
臨風淚莫頽

送春歸

元和十一年三月三十日作

白居易

送春歸三月盡日日暮時去年杏園花飛御溝綠何處

送春曲江曲今年杜鵑花落子規啼送春何處西江西  
帝城送春猶怏怏天涯送春能不知惆悵莫惆悵送春  
人冗員無替五年罷應須准擬再送潯陽春五任炎涼  
凡十變又知此身健不健好去今年江上春明年未死  
還相見

三月三十日題慈恩寺

慈恩春色今朝盡盡日徘徊倚寺門惆悵春歸留不得  
紫藤花下漸黃昏

酬元員外三月三十日慈恩寺憶見寄

悵望慈恩三月盡  
紫桐花落鳥關關  
誠知曲水春相憶  
其奈長沙老未還  
赤嶺猿聲催白首  
黃茅瘴色換朱顏  
誰言南國無霜雪  
盡在愁人鬢髮間

三月三十日別微之於澧上  
明年春夜遇微之於峽中  
停舟夷陵三宿而別  
言不盡者以詩終之  
因賦七言十七韻以贈  
且欲記所遇之地與相見之時  
為他年會語張本也



澧水店頭春盡日送君馬上謫通川夷陵峽口明月夜  
此處逢君是偶然一別五年方見面相携三宿未迴船  
坐從日暮惟長歎語到天明竟未眠齒髮蹉跎將五十  
關河迢遞過三千生涯共寄滄江上鄉國俱拋白日邊  
往事渺茫都似夢舊游零落半歸泉醉悲洒淚春杯裏  
吟苦支頤曉燭前莫問龍鍾惡官職且聽清脆好文篇  
微之別來有新詩數百篇麗絕可愛別來只有詩成癖老去何曾更酒顛  
各限主程須去住重開離宴貴留連黃牛渡北移征棹

白狗崖東卷別筵

黃牛白狗皆與微之遇  
峽中地名即別之所也

神女臺雲漫

繚繞使君灘水急潺湲風淒暝色愁楊柳月弔宵聲哭

杜鵑萬丈赤幢潭底日一條白練峽中天君還秦地辭

炎微我向忠州入瘴烟未死會應相見在又知何地復

何年

和微之三月三十日四十韻

送春君何在君在山陰署憶我蘇杭時春遊亦多處為  
君歌往事豈取辭勞慮莫怪言語狂須知酬答遽江南

臘月半冰凍凝如淤寒景尚蒼茫和風已吹噓女牆城  
似竈雁齒橋如鋸魚尾上瀟淪草芽生沮洳律遲太簇  
管日緩羲和馭布澤木龍催迎春土牛助雨師習習洒  
雲將飄飄蕭四野萬里晴千山一時曙杭土麗且康蘇  
民富而庶善惡有懲勸剛柔無吐茹兩衙少辭牒四境  
稀書疏俗以勞俸安政因閒暇著仙亭日登眺虎丘時  
遊預望仙亭在杭虎丘山在蘇尋幽駐旌軒選勝迴賓御舟移溪鳥  
避樂作林猿覷池古莫耶沉石竒羅剎踞劍池在蘇羅剎石在杭

水苗泥易耨畬粟灰難鋤紫蕨抽出畦白蓮埋在淤萎

花紅帶點濕葉黃含菸

楚詞云葉菸色而就黃

鏡動波颭菱雪迴

風旋絮手經攀桂馥齒為嘗梅楚坐供船脚歌行多馬

蹄跂聖賢清濁醉水陸鮮肥飫魚膾芥醬調冰葵鹽豉

絮

勅麗反

雖微五袴詠幸免兆人詛但令樂不荒何必游

無侶吳苑僕尋罷越城公尚據舊游幾客存新宴誰人

與莫空文舉酒強下何曾箸江上易優游城中多毀譽

分應當自盡事勿求人恕我既無子孫君仍畢婚娶久

為雲雨別終擬江湖去  
范蠡有扁舟陶潛有籃輦  
兩心苦相憶兩口遙相語  
最恨十年春春來各一處

三月三十日作

今朝三月盡寂寞春事畢  
黃鳥漸無聲朱櫻新結實  
臨風獨長歎此歎意非一半  
百過九年艷陽殘一日隨年  
減歡笑逐日添衰疾且遣花  
下歌送此盃中物

三月晦日日晚聞鳥聲

晚來林鳥語殷勤似惜風  
光說向人遣脫破袍勞報暖

催沽美酒敢辭貧  
聲聲勸醉須應醉  
一歲唯殘一日春

春盡日天津橋醉吟偶呈李尹侍郎

宿雨洗天津無泥  
未有塵初晴迎早  
夏落照送殘春興  
發詩題口狂來醉  
寄身水邊行嵬峩  
橋上立逡巡疏傳  
心情老吳公政化  
新山川徒有主風  
景屬閒人

歲時雜詠卷十九

欽定四庫全書

歲時雜詠卷二十

宋蒲積中編

端午

古詩

五日望採拾

王筠

裁縫逗早夏點畫守初晨綃紉既妍媚脂粉亦香新長  
絲衣良節命縷應嘉辰結蘆同楚客採艾異詩人折花  
競鮮彩拭露染芳津含嬌起斜晒歛笑動微嚬獻璫繫  
洛浦懷珮似江濱須待恩光接中夜奉衣巾



五日

魏收

麥涼殊未畢  
蜩鳴早欲聞  
喧林尚黃鳥  
浮天已白雲  
辟兵書鬼字  
神印題靈文  
因想蒼梧郡  
茲日祀陳君

端午武成殿宴羣臣

唐玄宗

端午臨中夏  
時清日復良  
鹽梅已佐鼎  
麴蘖且傳觴  
事古人留跡  
年深縷續長  
當軒知槿茂  
向水覺蘆香  
億兆同歸壽  
群公共保昌  
忠貞如不替  
貽厥後昆芳

端午三殿宴羣臣并序

律中蕤賓獻酬之象著火在盛德文明之義燁故  
以式宴陳詩上和下暢者也朕宵衣旰食緝聲教  
于萬方卜戰行師摠兵鈴于四海勤貪日結憂忘  
心勞聞蟬鳴而悟物變見槿花而驚候改所以賴  
濟濟朝廷視成鵷鷺桓桓邊塞責辦熊羆喜麥秋  
之有登玩梅夏之無事時雨近霽西郊靡靡而一  
色炎雲作峰南山嵯峨而異勢正當召儒雅宴高  
明廣殿肅而清陰生列樓深而長風至厨人嘗散

熱之饌酒正供陶暑之飲庖捐惡鳥俎獻肥龜新  
筒聚練香蘆角黍恭儉之儀有序慈惠之意溥洽  
諷味黃老致息心于真妙抑揚游夏滌煩想于詩  
書超然玄覽自足為樂何止栢枕桃門驗方術於  
經記綵花命縷覩問遺于風俗感婆娑之孝女憫  
枯槁之忠臣而已哉歎節氣之循環美羣臣之相  
樂凡百在會咸可賦詩五言紀其日端七韻成其  
火數豈獨漢武之殿盛朝士之連章魏文之臺壯

詞人之並作云爾

五日符天數五音調夏鈞舊來傳五日無事不稱神穴  
枕通靈氣長絲續命人四時花競巧九子糝爭新方殿  
臨華節圓宮宴雅臣進對一言重道文六義陳股肱良  
足詠風化可還淳

端午三殿侍宴應制

探得魚字

張說

小暑夏弦應徵陰商管初願齊長命縷來續大恩餘三  
殿褰珠箔羣官上玉除助陽嘗麥晁順節進龜魚甘露

垂天酒之花捧御書合丹同  
蠅蛭灰骨共蟾蜍今日傷  
蛇意銜珠遂闕如

張相公出鎮荊州尋除太子詹事余時流夜郎  
行至江夏與張相公千里公因太府丞王昔使  
車寄羅衣二事及五月五日贈予予答以此詩

李白

張衡殊不樂應有四愁詩  
慙君錦繡段贈我慰相思  
鴻鵠復矯翼鳳凰憶故池  
榮樂一如此商山老紫芝

端午日賜衣

杜甫

宮衣亦有名端午被恩榮  
細葛含風軟香羅疊雪輕  
自天題處濕當暑著來清  
意內稱長短終身荷聖情

端午日恩賜百寮

竇叔向

仙宮長命縷端午降殊私  
事盛蛟龍見恩深犬馬知  
餘生儻可續終冀答明時

端午日禮部宿齋宿中有衣服綵結之貺以詩  
代書用申還答

權德輿

良辰當五日偕老祝千年綵縷同心麗輕裾映體鮮寂寥齋畫省欸曲摩香牋更想傳觴處孫孩徧目前

競渡曲

競渡始武陵至今舉械相和之音咸呼云何在斯招屈原之義事見圖經

劉禹錫

沅江五月平堤流邑人相將浮綵舟靈均何年歌已矣哀謠振楫從此起揚袍擊節雷闐闐亂流齊進聲轟然蛟龍得雨鬣鬣動蟬螭飲河形影聯刺史臨流褰翠幃揭竿命爵分雄雌先鳴餘力爭鼓舞未至銜枚顏色沮

百勝本自有前期一飛由來無定所風俗如狂重此時  
縱觀雲委江之湄綵旗夾岼照蛟室羅襪凌波呈水嬉  
曲終人散空愁暮招屈亭前水東注

端午日伏蒙內侍賜晨服

楊巨源

綵縷纖仍麗凌風卷復開方應五日至應自九天來在  
筭清光發當軒暑氣迴遙知及時節刀尺火雲催

端午

文秀

節分端午本誰言萬古相聞為屈原堪笑楚江空浩浩



不能洗得直臣冤

五日觀妓

萬楚

西施漫道浣春沙  
碧玉今時鬪麗華  
眉黛奪將萱草色  
紅裙妒殺石榴花  
新歌一曲令人艷  
醉舞雙眸歛鬢斜  
誰道五絲能續命  
卻令今日死君家

歲時雜詠卷二十